

清會典

戶務處

正

大清會典

內務府

慎刑司。郎中二人。員外郎四人。主事一人。委署主事一人。

掌讞三旗之獄。

○凡讞獄。罪至徒以上者。咨刑部。

佐領管領下人。獲罪及互

控並各部院衙門。咨送審議者。罪在杖一百以下。即議結。至徒以上。移送刑部定案。其軍流徒



罪折枷。及本罪應枷之犯。皆送刑部枷示。滿日仍由部責放。應刺字者同。凡應杖責鞭責者。司設鞭隸六人以掌刑。如審理重案。有應夾訊者。移咨刑部取刑具。並用刑人役。有應檢驗屍傷者。亦移咨刑部。委官率旗民交涉者亦如之。旗民交涉之案。亦量其罪之輕重。分別辦理。凡莊長鷹戶海戶之獲罪

**者以民論**

近京各州縣居住之莊頭鷹戶海戶人等。如犯軍流徒罪。照民人例定擬。

不准折枷。惟內管領下漢人。及旗鼓佐領下人。有犯軍流徒罪者。照八旗漢軍例折枷。若

奉

**旨交訊。罪應死者會三法司以定擬。**

凡奉特旨交訊。及首告機

密事干職官。奏請推鞠之案。罪應死者。皆會同三法司審擬。由府主稿具題。得旨。交刑部

依原題科罪各以律。審擬罪案。俱依文武官之治罪。

**處分亦如之。**

本府文武官處分。俱依吏部兵部則例。由司移咨都虞司。將應議各

官查明有無加級紀錄降罰等案。分別定議。如奉旨查議外旗大臣官員。由司移咨各該

旗查覆辦理。若奉特旨交凡太監之罪。比部者。由司將職名咨部議處。

**刑律以治之。輕重各以等。**

太監犯賭博竊盜酗酒失火等罪。俱比照

刑律覈擬。其初次私逃。自行投回。在一月內者。責三十板。交進減食一兩錢糧。一年後仍給二兩錢糧。在兩月內者。責三十板。交進減食一兩錢糧。在三月內者。責三十板。交進減食一兩錢糧。在三月外者。責四十板。交進減食一兩錢糧。四年後仍給二兩錢糧。初次私逃被獲。枷一月。責三十板。交總管太監撥在外圍當差。減食一兩錢糧。十年後仍給二兩錢糧。如初次私逃。係越省遠颺被獲者。即發黑龍江給兵丁為奴。二次私逃俱自行投回者。枷一月。責三十板。交總管太監撥在外圍當差。減食一兩錢糧。十年後仍給二兩錢糧。仍給二兩錢糧。初次私逃被獲。二次私逃自行投回者。枷二月。責四十板。交總管太監撥在外

圍當差。減食一兩錢糧。丁年後仍給二兩錢糧。三次私逃俱自行投回者。發往吳甸鋤草三年。責四十板。滿日交總管太監撥在外圍當差。減食一兩錢糧。十年後仍給二兩錢糧。初次私逃自行投回。二次私逃被獲者。發往吳甸鋤草三年。責四十板。滿日交總管太監撥在外圍當差。減食一兩錢糧。十年後仍給二兩錢糧。如初次私逃自行投回。二次私逃係越省遠颺被獲者。責四十板。發黑龍江給兵丁為奴。初次二次私逃俱被獲者。發黑龍江給兵丁為奴。如係越省遠颺被獲者。枷一月。責六十板。再行發遣。三次私逃有一次被獲者。責六十板。枷一月。發黑龍江給兵丁為奴。如係越省遠颺被獲者。再枷一月。其發遣年限。如二次私逃拏獲者。三年釋回。

三次私逃。拏獲者。六年釋回。四次復逃。拏獲者。永不釋回。凡釋回復私逃者。無論投回被獲。概責六十板。枷一月。仍發黑龍江。給兵丁為奴。如係越省遠颺被獲者。再枷一月。如私逃太監。投入王公門下。又逃出。潛入禁地。當差者。發往打牲烏拉。充當苦差。如一年內投首免罪。太監內如擅動金刃者。發遣。無心遺失金刃於宮殿者。責四十板。充當苦差。如在宮內用金刃自傷者。斬立決。欲行自縊。自盡。經人救活者。絞監候。在園庭欲行自縊。自盡。經人救活者。發伊犁。給兵丁為奴。如在宮內自縊。自盡。身死者。將尸骸拋棄荒野。其親屬發往伊犁。給兵丁為奴。在園庭自縊。自盡。身死者。尸骸免其拋棄。其親屬發烏魯木齊。給兵丁為奴。至宮女用金刃自傷。罪與

太監同。惟在園庭欲行自縊。自盡。經人救活者。其罪准收贖。

### ○凡監禁男女以別

監禁人犯。每日派三旗章京一人。領催一人。披甲人

九名。輪班看守。如監犯人多。移付都虞司酌量添派。其女犯另行監禁。移付內管領處。傳該管領。下年老婦人看守。每犯日給米一升。柴一斤。八兩。每年夏至日起。至七月三十日。每日移付內管領處。給冰二塊。置監所。其監犯有病。移咨刑部。傳醫官診視。發遣者。准其

### 罪以定地

發遣人犯。應發黑龍江。寧古塔者。咨兵部。應發雲貴川廣烟瘴等處者。咨

刑部。應發打牲烏拉者。移都虞司。應發各莊屯安置者。移會計司。其安置莊屯之犯。妻子不願

隨往者聽。如妻子隨往。遇該犯身故。亦聽其回京。如該犯遇有父母及切近親屬在京身故者。准稟明該管莊頭給與執照來京。或隨莊頭赴京交差辦公者。俱不以逃論。其無故逃走。一次者鞭一百。二次者鞭一百。枷四十日。俱仍充原莊壯丁。三次者鞭一百。枷二個月。充當口外莊丁。四次者發烟瘴地方充軍。如民充園戶發往打牲烏拉者。移都虞司轉咨兵部。派兵押解。

### 凡贖之錢納於廣儲司

各人犯應追還官入官等贖。及收贖納贖

諸錢均繳廣儲司。

### 筆帖式十有九人

### 掌繙譯

### 管轄番役處值年司員二人

以內務府官兼充

### 掌緝捕之事

屬下番役四十名。番役頂戴頭目九名。蘇拉十四名。凡番役各給照

票一張。填寫年貌。鈐用堂印。又各給銅腰牌一面。由廣儲司鑄造。遇有缺出。腰牌即與補缺之人照票繳還。呈堂銷燬。其番役拏獲奸匪。按事之輕重分為四等給賞。頭等給銀二十兩。二等十兩。三等五兩。四等三兩。每年由崇文門監督領銀三千兩。交廣儲司銀庫收貯。遇應賞之時。本處具稿呈堂。行廣儲司照數領取。凡番役得頭等賞者。值年司員紀錄一次。得二等賞者。拏

獲二次。值年司員亦紀錄一次。有違誤舛錯者。番役青處。其奉文緝拏案件。定限三個月。如六個月不能拏獲。值年司員紀過一次。頭目從重責處。凡番役禁止越境拏人。禁用細繩細鎖。拏獲之後。由值年司員審明口供。呈堂咨送慎刑司辦理。其隨圍番役。由值年司員呈堂酌派。如該管官有派充圍差者。即令其管轄。無者亦由值年司員呈堂於隨圍司員內另派一員管轄。

筆帖式四人。

掌繙譯。



